

凌曉五醫案精華

上海秦伯未編纂

暑 痘

伏暑內發。新涼外束。自肺胃干及少陽。先起寒熱作潮。繼則壯熱神蒙。煩渴引飲。胸脘懊憊。脈來弦數而滑。兩尺偏大。兩關短數。苔黃膩。四肢厥逆。兩目悶瞀。便溏溲少。以脈參證。惟恐邪鬱不達。致上厥下脫之變。擬升提陽明宣解一法。是否如斯。附方即請高明酌正。

羚角片 葛根 川鬱金 紫雪丹 竹茹 連翹 製川朴 通草 銀花露 薄荷梗
新會皮 益元散 車前草

熱 痘

病經旬餘。熱傷營陰。暑濕熱邪深入厥陰。內熱煩渴。體力疲憊。眩暈昏黑。四肢厥逆。時有潮熱。肌腠曾有白瘡。未得宣達。風動瘡厥。慎防厥脫之變。脈弦

滑數按之均少神韻。治宜清心滌痰兼平肝宣竅。

台參鬚玫瑰花全燉冲 嫩鈎藤 青蒿子 竹瀝 牛黃清心丸 真潔菊 石決明真川

連拌 川蠻金 胆星 丹皮 硃茯神 薄荷 益元散

又 脾逆已平。喘汗已止。而肺津胃液已被熱邪劫耗。潮熱未退。大便挾熱旁流。左脇痞痛拒按。神疲支倦。不飢不納。脈虛數近弦。苔黃糙。治宜滋清以撤餘邪。還須節風避風。勿使反復。

台參鬚玫瑰花同燉冲 東白芍 青蒿子 車前草 小青皮 連心麥冬 左牡蠣 丹皮

生穀芽 金扁石斛 淡鱉甲 純嫩鈎 硃茯神

體稟陰虛。感受酷暑。熱邪蘊留陽明。加以風食擾動。始起頭疼惡寒。煩渴嘔惡。繼則身熱脫悶。熱甚神昏。肌腠會現紅疹白瘡。漸次透達。病經一月之久。肺津與胃液已被熱邪消燬。前治一派蠻法。遂致陰分日耗一日。所謂奪汗則無血也。今診脈象弦滑虛數。按之均少神韻。唇焦口燥。以脈參證。再延恐有喘

脫之處。姑擬扶正化邪。冀其轉機。

台參鬚玫瑰花同燉冲 天花粉 石決明 真川貝 珠黃散 連心大麥冬 鮮金斛
硃茯神 竹瀝菖蒲汁 鮮生地 丹皮 連翹 益元散 真西珀

□ 浮 陽

二年前曾經咯血。火升欬嗽。由來日久。陰虛陽浮。不喻可知。入夏以來。感受暑濕。熱邪自陽明擾動肝陽。潮熱來時。相火妄動。遺精走洩。小便短赤。口渴神煩。前醫竟作溫熱論治。甚至服二角二鮮至雪至寶之類。津液從此暴脫。唇灰燥裂。舌起白屑。大便泄痢不止。內熱而飲不解渴。脈細如絲。將有喘脫之虞。勉擬壯水之主。以制陽光法。然鞭長莫及矣。

台參鬚玫瑰花同燉冲 女貞子 鱉甲童便炙 炒穉米 車前草 麥冬米炒 東白芍

青蒿童便炙 鮮蓮子 霍石斛 左牡蠣 生熟穀芽 半貝丸

又 大便已結。內熱亦減。精神漸旺。而腰脊痛楚。膀胱少納。眩暈體疲。此陰虛

也。脈尚濡小而數。兩關近弦。舌邊微紅。中後白屑已退而微黃。治從前法。略爲損益。

白參鬚 左牡蠣 地骨皮 生穀芽 車前草 金扁斛 淡鱉甲 硃茯神 生米仁
東白芍 陳青蒿 真川貝 鮮蓮子

■風斑

脾欠健運。濕熱留着陽明。現值太陰濕土司氣。又加風邪擾動。風濕客於皮膚。汗出不撤。致成風斑。搔癢無定。經謂汗出見濕。乃生瘡癥。瘡即風斑也。脈弦。數治宜調理。佐祛風濕。

稀莶草 新會皮 丹皮 連翹 帶皮茶 生葛根 宋半夏 川萆薢 淨銀花 蟬衣

東白芍 晚蠶沙 菟豆衣

■寒水襲肺

夏秋陽氣發泄。皮毛疎豁。偶逢暴雨。寒水之氣。內襲太陰。欬逆痰稠。遷延

日久邪鬱化火。釀痰。痰青咽痛。是其候也。脈右鬱滑近弦。病本在肺。何曠曠乎。竟從肝腎主治耶。擬從麻杏甘石湯法加味。度中肯綮。

水煮麻黃 炒兜鈴 炙紫苑 白茯苓 白杏仁 清炙草 薄橘紅 冬瓜子 冰糖水炒石
菖 旋覆花 絲瓜絡

口燥症

體稟陰虛。水不涵木。肝膽氣火偏旺。木火凌金。肺失清肅。時在燥金司氣。加以秋燥。風邪乘虛襲入。風燥相搏。金受火刑。欬嗽見紅。咯痰色青。胸脇引痛。乍寒乍熱。內熱爲甚。今但燥欬。烘熱汗溢。明是陰虛陽浮之徵。脈濡小數。右寸關獨大於諸部。舌質光紅。中後微有黃胎。以脈參證。恐其陽絡血溢。現近霜降節候。慎防加劇。謹擬喻氏清燥救肺出入爲法。冀其退機。附方請政。

西洋參 枸杞葉 炙甘草 水糖水炒石膏 玫瑰花 連心麥冬 真川貝 陳阿膠 鴨血炒

絲瓜絡 北杏仁 火麻仁 東白芍 經霜桑葉

口冬溫

冬溫燥邪。自肺胃擾動肝陽。痰飲加以食滯壅遏。府氣升降不和。始起寒熱如潮。頭脹眩暈。骨絡煩疼。口乾嘔惡。繼則身熱無休。欬唾濁痰。神疲嗜臥。氣逆脘悶。時有譖語。良由痰熱自肺胃蟄於心主宮城。心經受其客熱。清明之氣爲邪濁所蒙也。按脈弦滑數兼見。左小弦數。舌胎黃糙。上脣滯膩濁痰。非白屑也。現屆冬至大節。平素操勞。心營自虛。以脈參症。如能痰氣順利。邪熱減退。即是轉機。否則慎防喘脫之虞。姑擬清心涤痰平肝降氣一則。附方請政。

西洋參 炒牛蒡 竹瀝 菖蒲汁 犀角片 川鬱金 炒白蒺藜 連翹 旋覆花 牛黃清
心丸 杏仁 川貝 丹皮 青黛 石決明 霽斛 絲通草

口肝胃

肝升太過。胃降不及。平素操勞。肝胃兩虛。肝膽氣火偏旺。氣滯不和。又加感受暑風。自肺胃擾動肝陽。肝胃氣失通調。脘痛脇脹。身熱煩渴。口乾嘔吐。骨

絡煩疼。眠食欠安。內經謂陰氣先傷。陽氣獨發。瘧自陰來者。謂之瘴瘧。又云厥陰之爲病。苦寒熱是也。脈弦滑數兼見尺部濡數。舌苔黃糙少潤。脈證互參。切忌憤怒。怒則氣逆陽升。防有肝厥之虞。治宜清解暑熱。兩和肝胃法。冀其退機。

另紙錄方請正。

連翹 青蒿 東白芍 川鬱金 車前草 銀花露 地骨皮 硃茯神 玫瑰花 鮮金斛

淡鱉甲 純嫩鈎 薄橘紅

肝陰素本不足。肝膽氣火偏旺。操勞動肝。肝木與心火相爲煽動。肝與胃藏府相對。一勝一負。肝善升而胃少降。激動肝中濕濁痰飲。加以食滯壅遏。府氣始起寒熱脘悶。繼則左脇引痛。欬嗽身熱。骨骼煩疼。大便秘結。此病本在肝胃而標在肺經。所謂厥陰之爲病。苦寒熱是也。脈氣六陽按左弦數而濡。右寸關弦滑數兼見。舌苔黃膩尖邊紅。治宜清熱豁痰。平肝降氣。附方請高明政之。

西秦艽 青蒿子 赤苓 玫瑰花 炙鱉甲 地骨皮 方通草 東白芍 半貝丸 銀胡

金扁斛 絲瓜絡 桐楠香

吸咽之體。胃氣與榮氣並虛。夏秋暑濕蘊留陽明太陰。脾經失運化之權。加以食滯壅遏府氣轉化敗濁。下痢灰色更衣裏急後重。晝夜登圊數十次之多。古謂痢積稱滯下是也。前醫謂其烟體進藥一味辛燥而氣火之勢益劇。是以裏急更甚。今診脈象左右三部弦數兼見。舌苔光紅根後黃膩。以脈參症。正虛邪實。難治。奚疑。拙擬宣氣導滯利濕清熱一則。附方可否。請高明酌政。

生米仁 廣木香 紫厚朴 淨瀉 焦鍋巴 佩蘭葉 炒枳壳 半夏霜 車前草 金斛

大腹絨 赤白芩 茄楠香

口噤口痢

痢經一月。赤白相雜。檢閱前醫數方。一派攻伐。遂致肝脾營陰受傷。腸胃脂膏殆盡。氣虛下陷。固時後重脫肛。眼眶內陷。神煩全不思食。延成噤口重症。慎防汗喘虛脫之變。脈虛數近弦。舌苔光紅。姑擬人參石蓮飲爲法。冀其轉機。

台參鬚鮮佛手露青蒿露代水燉冲江枳壳地榆炭澤瀉紅白扁豆花石蓮肉東白芍陳壁土炒煨木香真川連拌車前草真野朮陳壁土炒阿膠藕粉炒成珠抱木神辰砂拌陳年糕片

■單腹脹

濕熱侵脾。脾虛作脹。土不生金。肺失清肅。欬嗽便溏。單腹膨脹。青筋外露。脈雙弦而濡。治之非易易耳。

生於丸 大腹絨 陳香纈 鷄內金 小溫中丸 炒枳實 新會皮 沉香軀 查炭
製香附 法半夏 赤苓 車前子

■麻木

血不榮筋。加以風濕阻絡。陽明虛不能束筋骨以利機關。手指麻木不仁。左傳所云風淫末疾是也。脈小弦數。治宜和營以祛風濕。

米仁 西秦艽 帶皮荳 嫩桂枝 川萆薢 全當歸 晚蠶沙 片蠶黃 宜木瓜 杜紅花

鵝血藤 野桑枝

痺由血不榮筋。寒濕下注陽明經絡而成。脈弦數苔薄白。治宜疎解。

米仁 西秦艽 帶皮荳 懷牛膝 川萆薢 全當歸 晚蠶沙 虎脰骨 宣木瓜 杜紅花
垂下野桑枝 小活絡丹

■ 胃 痦

胃痺則虫動。虫動則嘔。非比痰阻肺氣爲痺。讀內經痺論自知也。脈右弦滑而浮。治宜降氣平肝理胃。

炙桑皮 新會皮 旋覆花 烏梅肉 薑汁炒竹茹 地骨皮 朱半夏 紫石英 焦麥芽

杏仁 赤苓 炒蘇子 左金丸

■ 三焦痺

脾虛留濕。濕痰阻肺。久欬不已。則三焦受之。三焦欬狀。欬而浮腫。脈象弦數。治宜降氣豁痰。

炙桑皮 帶皮茯苓 薄橘紅 地骨皮 莼蘆子 象貝 冬瓜皮 菜菔子 路路通

□ 絡 痛

巢氏病源云。脇痛左屬蓄血。右屬痰飲。見症右脇引痛。氣逆痰稠。明是痰阻其氣絡不主宣使。然脈右弦。左小弦。數治宜泄木和中。

旋覆花 全瓜蒌 宋半夏 赤苓 新絳 川蠶金 炒白蒺 玫瑰花 青葱管 新會橘絡
絲瓜絡 薑汁炒竹茹

□ 牙 痘

少陰不足爲病之本。陽明有餘爲病之標。血不足。氣有餘。有餘便是火。齒是腎之餘。牙齦又屬陽明經脈所注。火犯陽經。血熱妄行。血自齒縫中流出。甚

且牙衄不止去血過多而營陰受傷內熱神疲四支瘦倦脈左小弦數右寸關
弦數而芤舌胎光紅甚且起有火泡治宜壯水之主以制陽光法。

米炒西洋參 東白芍 懷牛膝 鮮佛手黃衣 米炒大麥冬 左牡蠣 連翹壳 玫瑰花
大生地 粉丹皮 銀花露 鮮穀芽 帶心竹葉

■久嗽

久嗽傷陰已成肺痿欬嗽曾失血但吐白沫咽痛喉痺妨納飲食五內煩
熱便燥溺赤眩暈體疲形肉羸瘦積勞成之候脈虛數近弦姑擬滋清一則黨
其轉機附方請正

白參鬚 陳清阿膠 北杏仁 雪梨膏 冰糖水炒石膏 連心麥冬 炙冬花 川貝 酒炒
丹皮 生蛤壳 霜桑葉 冬虫夏草 枇杷葉 炒馬兜鈴 玫瑰花

■喘逆

喘逆未平略痰欠順。丹溪謂上升之氣自肝而出。操勞動肝。肝氣橫逆。擾動痰飲爲患。年高病此是非宜也。脈濡滑近弦舌苔黃膩。治擬平肝降逆理氣豁痰附方。是否以候高明酌政。

薑製西洋參 真川貝 覆花 真紫沉水香 蛤蚧尾 浮石 化陳皮 紫石英 絲瓜絡
白杏仁 鬼製半夏 炒白蒺 竹瀝

■頭痛

血虛生風。半身頭痛。痛甚損目。日起翳障。潮熱口苦。心悸眩暈。眠食欠安。

脈小弦數。治宜育陰潛陽。

西洋參 甘菊蕊 丹皮 玫瑰花 製首烏 歸身 石決明 冬桑葉炒 蔓荆 東白芍

硃茯神

■瘧厥

暑濕風邪。釀痰化熱。自肺胃擾動肝陽。痰隨氣升。徒然厥逆。不省人事。牙

關緊急。手指搖搦。脈弦滑數。宜清心滌痰。平肝宣竅。

元參 連翹心 純鈎 陳膽星 鮮竹瀝鮮細葉石菖蒲汁同沖 犀角片 川鬱金 石決明
青黛拌打 牛黃清心丸 薄荷梗 丹皮 穀茯苓 青荷梗

□ 恤 恤

心體不足。心用有餘。肝爲心母。操用神機。肝木與心火相爲煽動。肝陽浮越不潛。徹夜不寐。心悸怔忡。有不能支持之候。脈弦滑數。左寸關長直。治宜清心和胃。佐以平肝。

紫丹參豬血拌炒 廣陳皮 穀茯神 川鬱金 捲心竹葉 元參 宋半夏 蒼龍齒
石菖蒲 豬膽汁 炒棗仁 石決明 珞環邊 元武板 鮮竹茹

□ 癲 症

因驚外觸。激動肝陽。木火生痰。痰火二者。阻蔽肝膽胞絡之間。清明之氣爲邪濁所蒙。心緒紛紜。神識時清時糊。俗爲嚇癡之候。治宜清心滌痰。安魂益

志法。

紫丹參豬心血拌炒 丹皮 蒼龍齒 陳膽星 眞西琥珀 元參 石決明真川連拌打
元武版 鮮竹瀝鮮菖蒲同搗 川鬱金 淨棗仁 硃茯神 遠志肉 捲心竹葉

■狂症

天時溫燥。陽明受之。釀痰化火。上擾肺胃。加以肝陽浮越。不潛陽氣。皆併於上夜無眠。歌哭聲怒。襲成癲狂之候。經謂重陽則狂是也。治宜清心豁痰。平肝宣竅爲法。

犀角盤 九孔石決明真川連同拌生打 陳膽星 鮮橄欖明礬同拌 丹皮 鮮生地汁

抱木茯神辰砂拌透 竹瀝鮮菖蒲搗汁和冲 生鐵落煎湯代水 蒼龍齒 川鬱金

酒客多痰。無非濕熱蒸燭而致。痰病延久。每多襲成癲厥之虞。蓋痰以陽明爲窟宅。加以肝膽陽升。痰鬱爲病。其變百出。誠如王隱君所云。今診脈象稟

質六陰重按弦滑舌邊微絳中後黃膩擬以黃連溫膽湯大意未知妄否。

元參 化陳皮 全瓜萎 鮮石膏 真川連 宋半夏 海石粉 川鬱金 炒枳實

硃茯神 焦山楂 鮮竹茹

又 舌絳脈滑數。陡然神識不清。妄言妄動。心無主張。目赤顴紅。不飢不便。此痰火風也。昨擬黃連溫膽法未能獲效。此證治法總不離乎清火豁痰。熄風安神之劑。仍倣昨法略大其制。以折其標。未識當否。附方候政。

元參 化陳皮 海石粉 陳膽星 磻石滾痰丸 真川連 仙半夏 石決明青黛拌打
川鬱金明礬拌打 枳實汁 全瓜萎 黑棗辰砂拌打 竹瀝鮮石膏搗汁和沖

■ 喉 痘

爛喉丹癥。身熱脘悶。痰隨氣升。咽喉腫痛糜腐。肌腠已現風癰。未得宣達。適值經轉之時。熱入血室。熱盛神蒙。欬渴引飲。脈弦滑數。右寸關浮洪。姑擬辛

涼透解。以犀角地黃湯爲法。冀其轉機。否恐痰升內閉之憂。附方請專家酌政。

元參 連翹 犀角盤 懷牛膝 象貝 射干 炒牛蒡 鮮生地 赤芍 珠黃散 山豆根

川鬱金 丹皮 炒天蠶 碧玉散 鮮竹瀝鮮細葉石菖蒲連根搗汁冲 活水蘆根

■喉痺

經云。一陰一陽。結謂之喉痺。古無喉科專門。故不分症。通稱之喉痺。夫一陰者厥陰也。一陽者少陽也。二經上循咽嗌。君相火熾。結爲喉痺。良由榮陰內虧。水不涵木。木火上炎。先患目疾。繼發喉痺。同是一源之恙。所謂陰虛喉爲之患也。脈形弦數。舌苔邊紅中黃。治擬滋陰降火。內經又云。壯水之主。以制陽光法也。附方請明眼裁之。

元參 肥知母 丹皮 穀茯神 枇杷葉 射干 鮮石斛 懷牛膝 象貝 鮮竹茹

山豆根 鮮生地 石決明 金果榔